

SKUPŠTINA KANTONA SARAJEVO

ZAPISNIK SA

**DRUGE RADNE SJEDNICE SKUPŠTINE KANTONA SARAJEVO,
održane u srijedu, 29. aprila 2015. godine sa početkom rada u 10,00 sati**

Sarajevo, april 2015.

**NA DRUGOJ RADNOJ SJEDINICI SKUPŠTINE KANTONA SARAJEVO
PRISUSTVOVALI SU POSLANICI/ZASTUPNICI:**

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Safet Mešanović
7. Kozadra Muhamed
8. Mašović Amor
9. Okerić Elmedin
10. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Omerbegović Mersiha
6. Pindžo Mirsad

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudić
3. Filipović Selma
4. Jusko Ismir
5. Marić Zvonko
6. Rađo Dževad
7. Solaković Adnan

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Šućur Slaviša

NAŠA STRANKA

1. Edin Forto
2. Sabina Ćudić
3. Predrag Kojović

BOSANSKA STRANKA – MIRNES AJANOVIĆ

1. Haris Pleho
2. Rasim Smajić

SAMOSTALNI ZASTUPNICI/POSLANICI

1. Nermin Bjelak
2. Aljović Hamed
3. Mekić Amel

Drugu Radnu sjednicu Skupštine Kantona Sarajevo 29.aprila 2015.godine u 10,00 sati, otvorio je predsjedavajući Skupštine Sejo Bukva.

Povodom napada na Policijsku stanicu u Zvorniku, predsjedavajući Sejo Bukva je istakao da Skupština Kantona Sarajevo najoštrije osuđuje čin ubistva i ranjavanja policijskog službenika i tom prilikom uputio je izraze saučešća porodici nastradalog policajca službenika, a povrijeđenim policajcima službenicima poželio brz oporavak i povratak na njihove radne dužnosti. Minutom šutnje poslanici u Skupštini Kantona Sarajevo su odali počast nastradalom policijskom službeniku.

Prema evidenciji Službe, sjednici prisustvuje 33 zastupnika što je dovoljan broj za punovažan rad i odlučivanje.

Izostanak sa ove sjednice opravdali su poslanici/zastupnici: Mario Vukasović i Semir Halilović.

UTVRĐIVANJE DNEVNOG REDA

Prijedlog dnevnog reda Druge Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 16.04.2015.godine. Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – (Drugi novi prečišćeni tekst, br: 41/12, 15/13 i 47/13), Kolegij Skupštine Kantona Sarajevo, dana 24.04.2015.godine je odlučio da se Prijedlog dnevnog reda 2. Radne sjednice, dopuni sa sljedećim tačkama:

- 1. Verifikacija odluka Odbora za dodjelu javnih priznanja Kantona Sarajevo (razmatrat će se kao tačka 2.), i*
- 2. Prijedlog programa rada Skupštine Kantona Sarajevo za 2015.godinu (razmatrat će se kao tačka 6.)*

Skupština Kantona Sarajevo je jednoglasno (33 “za”) utvrdila sljedeći

DNEVNI RED:

1. Poslanička/zastupnička pitanja, inicijative i odgovori;
2. Verifikacija odluka Odbora za dodjelu javnih priznanja Kantona Sarajevo;
3. Prijedlog zakona o plaćama i naknadama u javnim ustanovama iz oblasti socijalne zaštite u Kantonu Sarajevo;
4. Nacrt zakona o izmjenama i dopunama Zakona o srednjem obrazovanju;
5. Nacrt zakona o izmjenama i dopunama Zakona o osnovnom odgoju i obrazovanju;
6. Prijedlog programa rada Skupštine Kantona Sarajevo za 2015.godinu;
7. Prijedlog programa obilježavanja Dana Kantona Sarajevo od 02.do 09.05.2015. godine;
8. Prijedlog odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
9. Prijedlog odluke o izmjeni Odluke o usklađivanju statusa preduzeća "ZOI '84" Olimpijski centar Sarajevo d.o.o. Sarajevo sa Zakonom o javnim preduzećima u Federaciji Bosne i Hercegovine;
10. Prijedlog odluke o davanju saglasnosti za osnivanje odjeljenja srednje škole Hašemitske Kraljevine Jordan pod nazivom: Srednja škola AL AMEL“ sa sjedištem u Sarajevu- Ilidža Osik br. 8;
11. Prijedlog Odluke o usvajanju Programa razvoja zaštite i spašavanja ljudi i materijalnih dobara od prirodnih i drugih nesreća područja Kantona Sarajevo za period 2014. – 2018. godina;

12. Prijedlog odluke o davanju saglasnosti na Program rada JU "Služba za zapošljavanje Kantona Sarajevo" - Sarajevo za 2015.godinu;
13. a) Prijedlog odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2015.godinu;
b) Prijedlog odluke o davanju saglasnosti na Finansijski plan prihoda i rashoda za 2015. godinu Fonda Kantona Sarajevo za izgradnju stanova
14. a) Prijedlog odluke o davanju saglasnosti na Program rada za 2015. godinu Kantonalnog stambenog fonda Sarajevo;
b) Prijedlog odluke o davanju saglasnosti na Plan rada sa finansijskim planom prihoda i rashoda za 2015. godinu Kantonalnog stambenog fonda Sarajevo;
15. Izvještaj o utrošku sredstava Tekuće rezerve iz Budžeta Kantona Sarajevo za 2014.godinu;
16. Izvještaj o radu Nezavisnog odbora za izbor i reviziju Policijskog komesara za 2014.godinu ;
17. Izvještaj o stanju u oblasti socijalne zaštite, zaštite civilnih žrtava rata i zaštite porodice sa djecom u 2014.godini;
18. Izvještaj o zaduženju Kantona Sarajevo kod UniCredit Bank d.d. Mostar, Intesa Sanpaolo Banke d.d. i Union Banke d.d. Sarajevo;
19. Izvještaj o zaduženju Kantona Sarajevo kod BBI banke d.d. Sarajevo;

Uz poziv za sjednicu kao informativni materijal poslanicima je dostavljeno sljedeće :

16. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period januar-juni 2014.godine
17. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec juli 2014.godine
18. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec august 2014.godine;
19. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec septembar 2014.godine
20. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec oktobar 2014.godine;
21. Informacija o monitoringu i evaluaciji Programa sufinansiranja zapošljavanja "800+";
22. Informacija o kvalitetu zraka u Kantonu Sarajevo;
23. Informacija o istraživanju tržišta rada na području Kantona Sarajevo za 2013. godinu.

Prije prelaska na realizaciju prve tačke dnevnog reda predsjedavajući je podsjetio da je obaveza Skupštine da razmatra zapisnike sa stenogramima sa Konstituirajuće i Prve hitne sjednice Skupštine Kantona Sarajevo, koji su poslanicima dostavljeni uz poziv za sjednicu.

A)

Skupština je jednoglasno (33 "za") potvrdila Zapisnik sa Konstituirajuće sjednice Skupštine Kantona Sarajevo održane 21.11.2014.godine, 23.12.2014.godine i 06.01.2015.godine.

B)

Skupština je jednoglasno (33 "za") potvrdila Zapisnik sa Prve Hitne sjednice Skupštine Kantona Sarajevo održane 26.12.2014.godine.

POSLANIČKA/ ZASTUPNIČKA PITANJA I INICIJATIVE

Poslanik/zastupnik Amel Mekić je postavio sljedeće poslaničko/zastupničko pitanje:

“Utorak 28.04.2015.godine tj. jučer je cijeli dan gorila javna rasvjeta što nije prvi put da se dešava. Želim da znam ko je odgovoran i ko će snositi odgovornost za tako veliku grešku, te da nam dostavite ko će nadoknaditi uzalud potrošenu električnu energiju kada penzionerima i socijalno ugroženim osobama treba isključiti struju zbog 3 KM duga, tu su brzi i profesionalni.”

Poslanik/zastupnik Adnan Solaković postavio sljedeće poslaničko/zastupničko pitanje:

“Kada će Vlada Kanton Sarajevo izvršiti najzad zaključak Vlade Kantona Sarajevo pod brojem: 020512763/46/14 od 08.05.2014.godine a donešen je na 65. sjednici, da se omogući neometan ulazak u školu i rad direktora JU “Osnovna muzička škola Ilidža Mehmeda Bajraktarevića”, kao i ostale stavke iz navedenih zaključaka. Dat ću jedno malo obrazloženje. A tu imamo problema, a najvjerovatnije to je malo i političko je bilo igara, pa bi trebalo malo da se prekine s time. Poznato je na osnovu zapisnika o uviđaju IV PU Ilidža, pod brojem, da ne bih ovdje maltretirao kolege 2014 godine da je grupa neovlaštenih lica među kojima se jedna osoba lažno predstavila kao v.d. direktorica škola uz angažovanog profesionalnog bravara nasilno ušla u prostorije OMS Ilidža. I tom prilikom provalila u prostorije direktora i sekretara škole. Kao izvršeno je nasilno otvaranje, obijanje metalnih ormara sa spisima i aktima škole. Dakle, 13.01.2014. godine OMS Ilidža je vanpravnog sistema Kantona Sarajevo. S obzirom da postoje određene indicije o političkom a ne zakonskom rješenju ovog problema, odnosno kako se od strane nadležnog ministarstva priprema proglašavanje školskih pečata nevažećim, tj ukradenim kako bi se izradili novi. I kako bi se neko drugo lice mimo odgovornih lica, direktora škole u skraćenom postupku uvelo kao v.d. direktor. Podsjećam na član 15 Zakona o pečatu Kantona Sarajevo, od 2009 godine. Pečati se moraju čuvati i upotrebljavati tako da se onemogući njihova zloupotreba, o načinu čuvanja i upotrebi pečata odlučuje funkcioner koji rukovodi organom i u organu se vodi posebna evidencija o svim pečatima koji su u upotrebi kod tog organa. Podsjećam da rukovodeći organ bilo koje javne ustanove osoba čiji je potpis deponovan, u sudskom registru sve do zakonom propisane procedure o izmjeni potpisa i uvođenja novog imena u registar bez obzira na trajanje mandata.”

Poslanik/zastupnik Ismir Jusko je pokrenuo dvije inicijative:

“Prva inicijativa je vezana za Zavod za saobraćaj Građevinskog fakulteta Sarajevo. Problem preduzeća egzistira već neko vrijeme. Samo preduzeće Zavod osnovano je u okviru Građevinskog fakulteta kao neovisni profitni centar koji se samostalno finansirao od svoje aktivnosti. Projektovanje saobraćajnica, testiranje kvaliteta, naučna istraživanja, atesti itd. U to vrijeme uposlenici Zavoda bili su profesori sa Građevinskog fakulteta, asistenti te uspješni studenti koji su tu zapošljavali nakon završetka studija. Zavod posluje u svojoj zgradi koja se nalazi pored Građevinskog fakulteta Sarajevo i sama zgrada je napravljena izdvajanjem sredstava od uposlenika Zavoda. Vremenom, a crpeći sve resurse Zavoda direktori su odlazili u ministarstva i javna preduzeća a Zavod je prepušten sam sebi i trenutno posluje bez definisanog vlasničkog odnosa i licenci koje su mu potrebne za rad i legalno poslovanje. S tim da preostale uposlenike Zavoda koji ničim nisu doprinijeli ovoj situaciju čeka sudbina radnika Aide DITE i slično. S tim da se ovaj problem može riješiti brzo i efikasno uz političku volju i nadzor Kanton koji upravlja fakultetima u Sarajevu. Tražim da se preispita što je prije moguće status i međusobni odnos Građevinskog fakulteta Sarajevo i Zavoda za saobraćaj Građevinskog fakulteta Sarajevo. Te da se donesu hitni zaključci i upute menadžmentu ovih firmi kako ne bi došlo do kolapsa u poslovanju Zavoda koji je potreban i fakultetu i privredi Kantona Sarajevo. A samim tim bilo bi manje 50-tak ljudi na birou za zapošljavanje, što u današnje vrijeme nije beznačajno.

Druga inicijativa je tehničkog karaktera. Prijedlog je vezan za efikasnost čistoće grada ali i praktičnost kada je u pitanju tramvajska, trolejbuska i autobuska stajališta. Primjetno je da na velikom broju autobuskih, trolejbuskih i tramvajskih stajališta apsolutno ne postoje kante za smeće za sitni otpad. U vrijeme kada je sada izuzetno veliki broj turista u gradu, predlažem da se što hitnije na sva autobuska, trolejbuska i tramvajska stajališta na kojima nema kanti za sitni otpad iste i postave.”

Poslanik/zastupnik Kemal Ademović je pokrenuo inicijativu: “Da se u ulici Dejzina Bikića MZ Šip, Općina Centar Sarajevo, izvrši postavljanje saobraćajnih znakovima kojima se ograničava brzina kretanja motornih vozila na 40 km/h. Kao i da se izvrši instaliranje horizontalnih usporivača brzine, tzv ležećih policajaca, na tri ili više tačaka duž navedene ulice. Obrazloženje: Ulica Dejzina Bikića u Općini Centar prolazi kroz gustu naseljen lokalitet MZ Šip, spada u relativno frekventne saobraćajnice. S obzirom da cijelom svojom dužinom ima pregledne pravce od 100 i više metara na kojima neodgovorni vozači razvijaju brzinu i preko 100 km/h što predstavlja stalnu opasnost za sve pješake, a posebno za djecu i starije osobe. Ovakvim vožnjama do sada je prouzrokovano više saobraćajnih nezgoda među kojima i nekoliko sa smrtnih posljedicom. Uvjeren sam da će postavljanje znakova za ograničenje brzine na 40 km/h kao i instaliranje ležećih policajaca povećati sigurnost svih učesnika u saobraćaju kako pješaka tako i vozača.”

Poslanik/zastupnik Mirsad Pindžo je izrazi nezadovoljstvo zbog odgovora koje je dobio na pitanja koja je postavio na Prvoj radnoj sjednici pa je jedno pitanje upućeno Tužilaštvu KS ponovio: “Ja danas nemam novo pitanje, ali imam da komentarišem i izrazim svoje nezadovoljstvo odgovorima na postavljena pitanja na prethodnoj sjednici. U ovom našem sistemu svaki dan je najviše tema o korupciji i kriminalu, a u zatvorima nema niko. I odgovor Tužilaštva Kantona Sarajevo glavne tužiteljice meni na postavljeno pitanje je otprilike odgovor zašto je to tako. Zamislite da traži od mene da ja kažem koja su to, imenom i prezimenom ko je počinio neko djelo. Pa šta će onda tužilaštva raditi. Ako navedemo firmu, radnju, aktivnost, koja je obavljena i tražimo samo da se provjeri a onda se traži da neko od nas kvalifikuje djelo i kaže ko je to počinio. Smiješno. Ja sam se potrudio da uvaženoj glavnoj tužiteljici pribavim dokumente pošto ne znaju ni da su podnese prijave imam ovdje i kopije. Čak na ovoj kopiji pečat tužilaštva i broj predmeta i tužilac koji je zadužio predmet. Ne znam šta bih još trebao da dostavim. U drugom slučaju sam se potrudio pa našao zaključak Skupštine Kantona Sarajevo od 17.03.2014. pa da vidimo jer ovdje stoji da su zaduženi Vlada Kantona Sarajevo i organi preduzeća VIK-a da kompletnu dokumentaciju prosljede Tužilaštvu na ocjenu. I jesu li prosljedili, nije valjda moje da istražujem zašto nam onda trebaju organi za istrage. I treće pitanje u istom pitanju, Ministarstvo saobraćaja nije provelo proceduru izbora najpovoljnijeg izvođača u skladu sa zakonom o javnim nabavkama i dalje da ne čitam da ne zamaram, to konstatovalo. Isto državni organ. Ured za reviziju institucija u FBiH evo i to sam im obezbijedio da i to pa nek opet kažu da nemaju. A imena od mene ne mogu dobiti jer ja ne znam ko je to uradio, jer to je njihova obaveza da utvrde ko je radio, je li zakonito ili nije, i šta je tužilačka odluka u tim predmetima. Neću dalje čitati da ne oduzimam vrijeme ali ću ovo dostaviti kao prilog.

Drugo pitanje sam postavio Vladi i Ministarstvu privrede i ne iznenađuje me Ministarstvo privrede je prepisalo odgovor preduzeća ZOI'84 vezano za provođenje sanacionog programa pa i iz onoga što je dostavljeno kao odgovor, a to vam ide okruglo pa na čoške da vam odgoovre, samo forme radi, a suština apsolutno nije bitna. Pa isto tako kažu u provođenju sanacionog programa u izmirenju obaveza iz kredita obrazlože gdje su potrošili u dvije stavke na jednoj 60.000 a na drugoj 20.000 a 2,5 miliona nema. Nema potrebe da se to objašnjava. Isto tako da isplate obaveze prema dobavljačima koji su po sanacionom programu rečeno da se 60% izmiruje iz kredita a 100% obaveze prema državi za poreze doprinose, plaće uposlenika i iz ovog

odgovora je vidljivo da se i od ovoga odstupilo od sanacionog programa, ali i nećudi me, obzirom da je tamo aktuelni direktor ujedno i predsjedavajući Skupštine, da nema NO, da jedan čovjek upravlja, toliku moć sa našim parama, parama građana Kantona Sarajevo a odlukom ovve Skupštine koja je usvojila program sanacije i koja ga jedina može mijenjati. Otkud pravo bilo kom pojedincu da ga mijenja kako je njemu ćejf a pogotovo nezakonito. A da je nezakonito to su utvrdili nadzorni organi. Ja imam zapisnike inspekcije koja je već podnijela pet, šest prekršajnih naloga za učinjene nepravilnosti u provođenju ovoga programa sanacije, a imam informacije da je i sud već počeo donositi presude i to će dodatno i zakomlicirati i otežati poslovanje javnog preduzeća. I jučer vidite informaciju poslije tako teatralnih i gromoglasnih najavva da je ovo najuspješnija sezona od Olimpijade i onda odluka, i opet nezakonita da se za januar mjesec u jeku sezone isplate uposlenicima minimalne plaće. Ja molim Vladu Kantona Sarajevo da se pozabavi ovim preduzećem jer ova Skupština je odobrila kredit i založila imovinu Kantona da saniramo ovo preduzeće i da s emalo pozabave a ne da samo prepisuju ono što im generalni direktor dostavlja kao odgovor, a nije tačno, nepotpuno, i iz koga, i bez obzira na takav odgovor vidi se da je odstupljeno od sanacionog programa i molim Vladu da dobro izanalizira stanje u tom preduzeću kako ne bi došli u poziciju da izgubimo imovinu Kantona koju smo založili za kredit.”

Poslanik/zastupnik Edin Forto je pokrenuo inicijativu:”Javljam se povodom Dobrinjske inicijative, ne znam jeste li čuli za tu inicijativu. Radi se o pokušaju građana Ilidže i Dobrinje da se napokon povežu gradskim prevozom. Ova incijativa je nastala kao inicijativa građana koju smo mi vrlo rado prihvatili zato što se već godinama bavimo javnim prevozom i pokušajima da konstruktivnom kritikom doprinesemo unapređenju usluge javnog prevoza. Dobrinjska inicijativa je pokrenula i potpisivanje peticije, postoji već 750 potpisa i to će rasti svakim danom. Mi smo odlučili da ovo pomognemo. Naš vijećnik u Općinskom vijeću Ilidža Elvis Vreto i naši vijećnici u Opštinskom vijeću Novi Grad Vernes Ćosić i Amela Topuz su pokrenuli na svim vijećima zakonsku proceduru. Mi već znamo pouzdano da je iz Opštinskog vijeća Novi Grad stigla u Ministarstvo kantonala saobraćaja stigla je ova inicijativa. Ministarstvo saobraćaja Kantona Sarajevo sada treba da upiše ovu liniju u registar linija javnog prijevoza i da sprovede proceduru javne nabavke i dodjele ove linije zainteresiranih prijevoznicima. Ja bih sada ako mi dozvolite samo još pročitao tačno naš zahtjev za pokretanjem ove inicijative sa ove Skupštine.

Poštovani,

U skladu sa zahtjevima građana i građanki naselja na području Novi Grad Sarajevo i Ilidža te incijativa općinskih vijećnika Elvise Vrete iz Ilidže i Vernesa Ćosića i Amele Topuz Novi Grad upućujem zastupničku inicijativu prema Skupština Kantona Sarajevo i Ministarstvu saobraćaja Vlade Kantona Sarajevo. Tražim od nadležnog ministarstva da pokrene postupak upisan u registar redovnih autobuskih linija novu redovnu autobusku liniju na relaciji Dobrinja Ilidža te u skladu sa propisanim obavezama pripremi javni poziv. Volio bih da Ministarstvo saovbraćaja i Vlada Kantona nam daju tačan rok do kada mogu ovo sprovesti, a ako ne mogu, ako postoji neka prepreka da nam kažu koja je kako bi je mi mogli otkloniti.”

Poslanik/zastupnik Segmedina Srna Bajramović je postavila pitanje i pokrenula inicijativu:”Pitanje upućujem ministrici zdravstva Kantona Sarajevo Emiri Tanović Mikulec. Zanima me da li je Ministarstvo zdravstva upoznato kako se od strane direktorice JU Dom zdravlja Kantona Sarajevo Dženane Tanović vrše radnje koje opstruiraju izvršenje pravosadne sudske presude kada je u pitanje povratak Prim.dr. Milana Miokovića na poziciju generalnog direktora, te da li Ministarstvo planira poduzeti zakonske korake zaštite zakonitosti postupka i osiguranje provođenja pravosnažnih sudskih presuda. Obrazloženje, presude u ovom slučaju dostavljam kao prilog pitanje te više nego jasno, kako će u ovom pravno okončanom slučaju radi o svjesnim postupcima opstrukcije od strane aktuelne nezakonite direktorice, koji se mogu klasificirati kao zloupotreba službenog položaja sa potencijalnom finansijskom štetom kada su u

pitanju troškovi neprovođenja pravosnažnih sudskih presuda koje će morati biti plaćene iz javnih sredstava. Zastupničku inicijativu pokrećem također u skladu sa Poslovníkom Skupštine Kantona Sarajevo a ona se odnosi na izmjene i dopune Zakona o zakupu poslovnih zgrada i prostorija i to u članovima 32 i 37 koji trenutno glase: član 32. ugovor o zakupu poslovnih prostorija zaključen na neodređeno vrijeme prestaje istekom vremena na koje je zaključen. Ako po isteku ugovorenog vremena poslovne prostorije ne budu ispražnjene i predate zakupodavac može tužbom kod nadležnog suda tražiti predaju ispražnjenih prostorija. I član 37 koji glasi: ako zakupac kome je učinjena izjava o odustanku od ugovora ne preda ispražnjenje poslovne prostorije u roku određenom u prethodnom članu, zakupodavac može tužbom kod nadležnog suda tražiti predaju ispražnjenih poslovnih prostorija. Predlažem izmjenu ovih odredaba, tako da se riječi „tužbom kod nadležnog suda“ u članovima 32 i 37 brišu, te iza riječi prostorija na kraju rečenice doda tekst „zahtjevom kod mjesnog nadležnog općinskog organa uprave za poslove privrede koji o zahtjevu zakupodavca odlučuje rješenjem. Ovo sam morala pročitati zbog stenograma. Obrazloženje ću skratiti i u cjelosti ga priložiti zbog vremena koje mi je na raspolaganju. Dakle, iako je Zakonom o zakupu poslovnih zgrada i prostorija propisano da je postupak za predaju poslovnih prostorija po tužbi zakupodavca hitan. U praksi ovi postupci traju više godina u prvom i drugom stepenu. Zbog navedneog su fizička i pravna lica, zatim organi oćine i grada, kao zakupodavci sve do pravomoćnog okonćanja sudskog postupka, uključujući izvršni postupak radi prinudnog iseljenja onemogućeni da raspolažu svojom imovinom, poslovnim prostorijama, to znaći kako svako ko iznajmi poslovni prostor bio to građanin ili neko pravno lice, ne može u cjelosti konzumirati svoja vlasnićka prava u slučaju da zakupac ne iznemiruje svoje obaveze po osnovu zakupa. Zato pozivam ministra privrede da što je prije moguće predloži izmjene i dopune ovoga zakona i realizira inicijativu koja je zapravo tehnićke naravi a rješava suštinska pitanja.”

Poslanik/zastupnik Selma Filipović je postavila dva poslanićka/zastupnićka pitanja:

“Molim premijera Vlade Kantona Sarajevo da mi u saradnji sa resornim ministarstvima za finansije, privredu i pravdu Kantona Sarajevo odgovori na sljedeće pitanje, i to: Da li Kanton Sarajevo ima potpisan sporazum sa Vladom FBiH o realizaciji projekta izgradnje veterinarskog instituta na Stupu u koju su uložena kreditna sredstva od strane Svjetske banke u iznosu od 3,5 miliona KM, a Kanton Sarajevo je sa svoje strane do sada izdvojio 800.000 KM. Koji je rok zaduženja, kada prispjevaju obaveze i ko će ih plaćati, te koji je udio Kanton Sarajevo u strukturi vlasništva instituta? Posebno insistiram na činjenici da je zgrada Instituta u koju su uložena sredstva svećano otvorena još juna 2011. godine kada je svećano obilježen završetak izgradnje u okviru posjete premijera Vlade Kantona Sarajevo gđina Fikreta Musića, i da od tog dana do danas, a to je 1214 dana nije u funkciji, što je nedopustivo i u suprotnosti sa preduslovima Europske komisije po pitanju ustrojstva vveterinarskog servisa u BiH. I ne samo to, jesmo li mi toliko bogati da pustimo da ovako skupi objekti propadaju?

To je jedno pitanje. Za premijera drugo pitanje je kada će Vlada Kantona Sarajevo na prijedlog Ministarstva obrazovanja nauke i mladih utvrditi kriterije za finansiranje visokoškolskih ustanova u skladu sa Zakonom o visokom obrazovanju? Što je bio zahtjev provedene revizije budžeta Kantona Sarajevo za 2012 godinu?”

Poslanica/zastupnica Bibija Kerla je izrazila zadovoljstvo zbog odgovora koji je dobila od ministrice zdravstva. Poslanik/zastupnik Bibija Kerla je postavila sljedeće pitanje: Kako ostvariti pravo kod Zavoda zdravstvenog osiguranja ukoliko postoje neizmirene obaveze u prethodnom periodu? Prije svega želim da dam jedno kratko obrazloženje. A to je, osiguranik koji je radio u nekoj firmi u jednom određenom periodu je bio ukljućen ustvair bio je iskljućen iz zdravstvenog osiguranja zato što firma nije uplatila obaveze po pitanju zdravstvenog osiguranja. Osiguranik prelazi u drugu firmu. Nakon četiri mjeseca redovne uplate zdravstvenog osiguranja ZZO ne želi da potvrdi knjižicu osiguraniku bez obzira na uplatu doprinosa za zdravstveno osiguranje od njegovog poslodavca. Nek mi neko objasni kako može neko tražiti

bilo kakvo pravo na retroaktivno plaćanje ukoliko isti nije pružao usluge zdravstvenog osiguranja i po tome ne može da se ovjeri zdravstvena knjižica onim osiguranicima kojima je uredno plaćeno zdravstveno osiguranje u proteklom periodu. Ja nemam ništa protiv da zdravstveno osiguranje traži svoje pravo putem suda ali molim da se ovo pitanje ipak riješi u korist osiguranika.”

Poslanik/zastupnik Safet Mešanović je postavio zastupničko/poslaničko pitanje: “Moje pitanje koje ću uputiti premijeru i resornom ministru glasi, a budući da su i premijer i ministar bili jučer u posjeti JKP Rad, pitanje glasi: Dokle se stiglo sa registracijom Higijenskog servisa unutar ovog JP? Jutros sam bio u posjeti Veterinarskoj stanici Novi Grad gdje sam dobio informaciju, a i ranije sam čuo, za slučaj gdje je na Dobrinji napadnuto dijete, psi napušteni, odnosno to su lualice napale su dijete, i ozbiljne povrede nanešene. Pripadnici Higijenskog servisa koji djeluju unutar ove Veterinarske stanice ne mogu da dođu do ovih životinja koje su definitivno opasne zato što se pojedine nevladine organizacije udruženja građana bave i tim poslom, prikrivaju i sakrivaju ove opasne životinje. Svi smo definitivno odgovorni za svaki napad na bilo kog građanina ovog Kantona, a pogotovo našu djecu i pitanje glasi da li predviđena registracija unutar JKP Rad da li ide svojom dinamikom i kada će biti završena? Ovo pitanje ću postavljati svaku narednu sjednicu sve dok se ne riješi pitanje Higijenskog servisa i dok se ne počnu uklanjati opasne životinje sa cesta našeg Kantona.”

Poslanica/zastupnica Mersiha Omerbegović je pokrenula inicijativu “da Vlada Kantona Sarajevo putem resornog ministarstva od svih općina u Kantonu Sarajevo pribavi informaciju o stepenu realizacije skupštinske odluke, o legalizaciji bespravno izgrađenih objekata, analizira stanje, rokove i probleme u primjeni, te nakon detaljne analize predloži izmjene i dopune iste”, uz sljedeće obrazloženje: Zadnja izmjena Odluke o legalizaciji bespravno izgrađenih objekata je bila 2012 godine. Na bazi meni dostupnih informacija, prije svega od građana kojih se tiče predmetna odluka postoje određeni problemi u primjeni iste. Poslije skoro tri godine implementacije odluke, smatram da je potrebno pribaviti informacije od strane općina, napraviti detaljnu analizu i na bazi iste predložiti Skupštini izmjene i dopune odluke.

Poslanik/zastupnik Nernim Bjelak je postavio dva poslanička/zastupnička pitanja: “Moja današnja diskusija će imati dva pitanja. Moje prvo poslaničko pitanje bit će upućeno premijeru Kantona gđinu Elmedinu Konakoviću a ono glasi: “da mi se dostavi Zaključak sa zajedničkog sastanka na kojem su bili prisutni članovi Vlade Kantona Sarajevo, premijer, ministar MUP-a Kantona Sarajevo, ministar kulture i sporta i predstavnici fudbalskih klubova Sarajeva, Željezničara i Olimpika. “Kako i na koji način će se riješiti problem oko osiguravanja utakmica u Kantonu Sarajevo kao i svim drugim sportskim događajima koji su komercijalnog značaja?” Ujedno da pohvalim premijera i ministre što su iznali mogućnost za rješavanje ovog problema i što su na jedan način pomogli sportu u Kanton Sarajevo, koji je na rubu svoje egzistencije. Također moje drugo poslaničko pitanje bit će upućeno ministru kulture i sporta gđinu Samiru Rešidatu. S obzirom da se radi o sportsko rekreativnom centru Bosina, koji se nalazi u Zaostrogu a ujedno u suvlasništvu Kantona Sarajevo zatražio bih odgovor na sljedeća pitanja a glase:

“Kolika je vrijednost imovine sa kojom raspolaže Kanton Sarajevo? Ko upravlja sportsko rekreativnim centrom Bosina? Kakvo je trenutno stanje? Da li su članovi Skupštine i NO legalni članovi Sportsko rekreativnog centra? Da li je podnes izvještaj o radu NO? i ko su članovi Skupštine i NO iz sportskog saveza i Skupštine Kantona Sarajevo? A nadam se da će izvještaj biti pozitivan jer je prošla Vlada uložila 400.000,00 KM za revitalizaciju Sportsko rekreativnog centra. Također bih tražio da mi se odgovori dostave u pismenoj formi.”

Poslanik/zastupnik Dževad Rađo je postavio poslaničko/zastupničko pitanje:”Obratila mi se građanka poginulog borca ARBIH majka dvoje djece. Godine 1997. tlo na kojem se nalazila

kuća sa još nekoliko kuća počelo da je klizi i označeno je kao aktivno klizište. Od strane Općine na čelu sa tadašnjim načelnikom ponuđeno je zamjensko zemljište. Prilikom dodjele zemljišta nije bilo riječi od strane Općine o plaćanju zemljišta i dozvola. Obećano je da će se izvršiti priključak vode, struje, vode kanalizacije. Od strane jednog komšije trenutno koriste struju, i imaju samo jednu sijalicu. Prilikom predavanja za priključenje struje rečeno je da je potrebno platiti zemljište na kojem je kuća napravljena jer je to opštinska zemlja. Tragom informacije zemljište na kojem je napravljena kuća kupljeno je po cijeni od 16 KM/m² a da se isto sada prodaje ovim ljudima po tri puta skupljoj cijeni. Traženo je da cijena zemljišta obračuna po kupljenoj cijeni. Na šta je građanka dobila odgovor da se Zakon izmijenio i da se ne može po toj cijeni platiti. Pitanje da li je supruga poginulog borca i njegova djeca zaslužuju da plaću nešto što su dobili i što im je dodijeljeno? Da plaćaju nešto tri puta skuplje od cijene koja jeste? Da u 21 stoljeću treba da živi bez struje u kući. Da li je suprug i otac dvoje djece dao svoj život za domovinu da bi se prema njima ponašalo na ovaj način i da li su ta djeca drugačija od ostale samo zato što nemaju oca. Kompeltno obrazloženje sa svim aktima dostavit ću u prilogu ovog pitanja.”

Poslanica/zastupnica Neira Avdibegović je postavila dva poslanička/zastupnička pitanja:

“Moja dva pitanja su upućena Ministarstvu saobraćaja. Prvo pitanje glasi: “Šta je sa trolejbusima za koje se zbog neispunjavanja potrebnih uvjeta ne može izvršiti homologacija, te se isti ne nalaze u saobraćaju? Da li je tačna informacija da se za vozila dnevno plaća ležarina to jeste korištenje carinskog prostora? Ko plaća istu? I ko je odgovoran za nabavku tih vozila? Zašto vozila nisu u saobraćaju i da li uopšte mogu biti? Sljedeće pitanje: Planom buudžeta za 2014 godinu u svrhu nabavke remonta autobusa, trolejbusa i minivbusa predviđeno je 1,5 milona. Prema informacija kojima raspolazem planirana je nabavka 10 autobusa od kojih je nabavljeno tek 5. šta je sa planiranom nabavkom za koju je Vlada Kantona Sarajevo izdvojila sredstva? Molim da se dostavi komplementa dokumentacija vezana za ove aktivnosti odnosno ugovor o nabavci vozila kao i aneks ugovora koji je prema mojim saznanjima također zaključen. Dat ću kratko obrazloženje, prema saznanjima izvršena je nabavka 10 trolejbusa koji od početka nisu ispunjavali potrebne uvjete za registraciju. Vozila nisu u saobraćaju i njih pet se prema informacija kojima raspolazem već duži vremenski period plaća dnevna ležarina odnosno troškovi korištenja carinskog prostora. Shodno navedenom molim da nam se dostavi informacija ko snosi pomenute troškove, ko je odgovoran za nabavku vozila i da li ista uopšte mogu biti u saobraćaju? Također planom budžeta za 2014 godinu predviđen je iznos od 1,5 miliona KM za nabavku i remont autobusa, trolejbusa i minibus gdje Vlada Kantona Sarajevo izdvojila sredstva u svrhu nabavke 10 vozila autbousa a nabavljeno je tek pet od deset planiranih. Molim da se dostavi informacija šta je sa nabavkom preostlih pet kao i primjerak ugovora o nabavci vozila kao i aneks ugovora koji su također zaključeni.”

Poslanik/zastupnik Mirza Čelik je pokrenuo inicijativu: “U skladu sa Poslovníkom Skupština Kantona Sarajevo a zbog dobrobiti društva odnosno šanse za ubrzanje ekonomskog i socijalnog razvoja BIH smatram neophodnim pokrenuti zastupničku inicijativu prema Ministarstvu za obrazovanje, nauku i mlade Kantona Sarajevo. I to tražim da Ministarstvo za obrazovanje, nauku i mlade Kantona Sarajevo odmah a najkasnije u roku od 30 dana pokrene proceduru i dostavi Vladi i Skupština Kantona Sarajevo Zakon o obrazovanju odraslih. Obrazloženje. Kanton Sarajevo u ovom trenutuku nema usvojen Zakon o obrazovanju odraslih iako je Zakon o obrazovanju odraslih od strane Vlade i Skupština Kantona Sarajevo u formi nacrtá usvojen 2013 godine, nakon čega je upućen na javnu raspravu. Od tada konačan prijedlog zakona nikada nije stavljen na razmatranje. Vijeće ministara je u međuvremenu i usvojilo i u Službenog glasniku BIH objavilo dva veoma bitna dokumenta koja tretiraju ovu oblast. Principe i standarde u oblasti obrazovanja odraslih u BIH i stratešku platformu razvoja obrazovanja odraslih u kontekstu cjeloživotnog učenja u BIH, za period 2014-2020. BIH i Kanton Sarajevo se suočavaju s velikim ekonomskim i socijalnim tenzijama koje su posljedica isključenosti velikog dijela

stanovništva iz radne snage, visoke stope nezapolenosti radno aktivnog stanovništva, izrazito visoke stope nezaposlenosti mladih te niske mobilnosti radne snage. Poboljšanje ovog stanja moguće je osigurati provođenjem niza mjera i aktivnosti a jedna od ključnih mjera je donošenje zakona o obrazovanju odraslih. Postoji uzročna povezanost općeg nivoa obrazovanja stanovništva i opće produktivnosti privrede. Zbog toga obrazovno obrazovanje treba prilagoditi potrebama strukture privrede kako ne bi dolazilo do pojava poznatih kao prekomjerno obrazovanje. Nastanak obrazovanja određenih kvalifikacionih profila koji već ima na evidenciji Službe za zapošljavanje Kantona Sarajevo i koji na tržištu ne mogu pronaći zaposlenje. Ili nedovoljno obrazovanje. Neusklađenost obrazovanja, kadrova, i nedovoljne potražnje na tržištu rada ima različite implikacije. U razgovoru sa privrednicima u Kanton Sarajevo nosiocima projekta aktivnosti zapošljavanja pri službi za zapošljavanje Kantona Sarajevo ukazano mi je da kroz analizu povezanosti potrebnih kadrova za privrednim rastom i raspoloživih ljudskih resursa može identificirati nedostatak nekih obrazovanih profila. Osim nedostatka kadrova u preduzećima je prisutan i nedostatak potrebnih vještina, komunikacije, poznavanja rada na računaru, znanje stranih jezika, primjena CNC tehnologije koja je ušla u svijet industrije te menadžerske i liderske vještine. Navedeni nedostaci uočljivi su i kod osoba koje su završile fakultet. S druge strane tržište ne potražuje niti u mogućnosti apsorbirati ono što obrazovanje nudi te u tom smislu potrebno osigurati efikasnije otvorenije i efektivne modele obrazovanja odraslih u najboljem interesu svih njenih građana koji će kroz vlastiti razvoj doprinijeti ostvarivanju razvoja ciljeva zajednice kojoj pripadaju. Imajući u vidu navedeno pokrećem ovu inicijativu i ujedno tražim od ministarstva da u što kraćem roku pripremi tekst prijedloga zakona o obrazovanju odraslih i isti dostavi Vladi i Skupštini Kantona Sarajevo u dalju proceduru.”

Poslanica/zastupnica Sabina Ćudić postavila je poslanička/zastupnička pitanja: "Ne moram vas upoznavati sa činjenicom da je u proteklih sedam dana u JU Djeca Sarajeva otrovano 200 djece od kojih je ogroman broj i dalje smješteno u bolnici. Po najnovijim saznanjima svjesni smo da se trovanje djece nije desilo samo u toku jednog dana već je trovanje djece nastavljano i dodatnim prehrambenim namirnicama u narednim danima i nakon što su prva djeca primljena u bolnicu zbog trovanja namirnicama životinjskog porijekla. Drugi dan desilo se trovanje špinatom itd. Pored ju Djeca Sarajeva ugovor sa firmom koja se zove Gold mignon za distribuciju, odnosno sklapanje ugovora o nabavci i pometu namirnicama životinjskog porijekla sklopili su i Opća Bolnica Prim. Dr. Abdulah Nakaš, KCUS, Zavod za zbrinjavanje mentalno invalidnih osoba i mnoge druge ustanove ali nabrajam samo ustanove koje su dakle imale ugovore za kupovinu namirnica životinjskog porijekla, za koju kako saznajemo i kako je jučer potvrđeno kompanija Gold mignon nije imala dozvolu. Dakle nema dozvolu za promet namirnicama životinjskog porijekla. Postavlja se naravno pitanje zašto je tenderska procedura na ovaj način brutalno prekršena u kojoj se među osnovnom dokumentacijom prilaže i registracija i dozvola za promet ovim namirnicama i još katastrofalnije kao što znamo, jučer je inspekcija isključivo zabranila ovoj kompaniji promet namirnicama životinjskog porijekla što ne naravno nelogično jer za to već nisu ni imali dozvolu a ta kompanija nastavljala distribuciju hrane između ostalog špinata koji je otrovao djecu pa se postavlja pitanje da li djeca i dalje truju namirnicama distribuiranim od strane ove kompanije. Ono što zahtijevamo jeste očitovanje navedenih institucija, KJI od tenderskoj dokumentaciji i tenderskoj proceduri koja je očito sa katastrofalnim posljedicama prekršena. Zatim zahtijevamo da nam se dostavi dokumentacija koja je pratila sklapanje ovih ugovora, ovoj Skupštini ali i javnosti sa firmom Gold mignon i naravno nameće se pitanje da se zabrani poslovanje ovoj kompaniji do daljnjeg apsolutno sa hranom dok se ne ustanovi kako je i zašto a pod čijom odgovornošću, a već se nameće naravno čija je odgovornost, kako rukovodstva ovih JU tako naravno i same kompanije da se obustavi naravni distribucija hrane i ugovori o dostavi hrane od strane kompanije koja je naravno posluje sa najugroženijim skupinama kako sam navela.

To je broj 1. broj 2 također smo svjesni ne samo naši mediji nego su regionalni, a evo kako sada saznajem i svjetski mediji prenijeli rezultate, odnosno podatke o anketi koja je distribuirana u

OŠ "Meša Selimović" u Kantonu Sarajevo. A koja zahtijeva od učenika OŠ da se izjasne poredeći Rome, pse, Bošnjake, Srbe i Hrvate i Nijemce. Nezadovoljna sam odgovorom koje je dalo Ministarstvo obrazovanja jučer saopštenjem za javnost da je dozvola koju je ovo ministarstvo izdalo zloupotrijebljena jer zahtijevam da nam Ministarstvo obrazovanja dostavi odgovor da li je etička komisija zasjedala i izdala dozvolu o primjenjenosti."

Poslanik/zastupnik Zvonko Marić je ocijenio pohvalnim odgovor koji je dobio od ministra Kazazoviću i postavio dva poslaničkazastupnička pitanja: "Svjedoci smo dakle bili kao što je rečeno informacija, ovu ustanovu ne prati samo ovaj slučaj već i mnogi raniji, stoga za premijera i naravno resorno Ministarstvo imam pitanje koje se odnosi na to koje će sankcije poduzeti da se sankcioniraju odgovorni za ovako ozbiljne propuste. Neću sada elaborirati o tome o nabavci, već je kolegica Čudić rekla namirnica ali u tom lancu kontrole ishrane za mališane, koji se hrane i sve ono što se dešava i prati ovu ustanovu mislim da srozavaju i dignitet i Vlade i Skupštine Kantona i ukoliko se ne poduzmu ozbiljne sankcije a u svakom normalnom društvu ovo bi bilo sankcionirano na najstrožiji mogući način, bit će poslata javnosti mislim negativna poruka. Drugo moje pitanje odnosi se, ja sam već u jednom od svojih istupa pominjao nabavku policijske opreme, uniformi svojevremeno koje su proglasili kao radioaktivne, neki dužnosnici u medijima, ali i predstavnici sindikata i one su dugo vremena bile, a to nije mali iznos, velika je cifra u pitanju i to je zahvatanje iz budžetske mase, stajali su ravno tri godine da bi bili podijeljeni ne znam prema kojoj odluci, stoga me to interesira Goraždanskom kantonu i Posavskom kantonu kao da su ti ljudi manje otporni na radioaktivnost i ostalo je još određeni broj uniformi u magacinima i također interesira me nabavka pištolja ili kako to u policijskom žargonu kažu zanavljanje naoružanja policajaca marke Glock koje je kupljeno oko 1500 komada iako znamo da većina policajaca ima već to oružje i uz Zbrojevke koje imaju 15 metaka, prema tome mene interesira prema čijoj odluci..."

Poslanik/zastupnik Eldar Čomor je postavio poslaničko/zastupničko pitanje i pokrenuo inicijativu:"Tražim da nam se dostave analitičke kartice izdatih računa za vodu za hotele, motele, restorane, autopraonice a za period za proteklih 6 mjeseci. Ovo pitanje upućujem Ministarstvu komunalne privrede i infrastrukture, upravama JKP VIK, Vodostan Ilijaš, Komunalac Hadžići i Upravi KP Trnovo iz Trnova. Konkretnija pitanja i inicijative će biti nakon dostavljanja ovih odgovora. Upućujem inicijativu Ministarstvu zdravstva i Zavodu za zaštitu žena i materinstva. Naime odjel Zavoda za zaštitu žena i materinstva koji radi i djeluje na prostorima Doma zdravlja Hadžići je odjel koji ima jednog uposlenika, specijalistu, koji svoj posao obavlja uspješno i odgovorno. Međutim zbog velikog broja korisnica usluga ovoga Zavoda, isti nije u mogućnosti da svoj posao obavlja sam, te s tim u vezi bi bilo potrebno upošljavanje još jednog ginekologa na ovom lokalitetu, a sve u cilju poboljšanja pružanja usluga. Pokrećem inicijativu prema Zavodu i Ministarstvu da se iznađe mogućnost upošljavanja još jednog ginekologa na odjelu Zavoda za zaštitu žena i materinstva u Hadžićima. Pored ovoga nedostatka kadra postoji i problem opreme. Naime na istom lokalitetu koristi se UZ aparat stariji od 10 godina koji je gotovo neupotrebljiv i u vrlo lošem je stanju te bi bilo potrebno da se pristupi nabavci novog UZ aparata na istom lokalitetu. Dodatno objašnjenje i obrazloženje ću dostaviti u pismenoj formi."

Poslanik/zastupnik Fikret Prevljak je pokrenuo inicijativu:"Pošto se ja prvi put javljam, a inače meni je ovo drugi mandat, jer ja sam bio u onom mandatu poslijeratnom periodu kada je Sarajevo i Kanton Sarajevo bio razrušen i kada smo ga obnavljali. I ova inicijativa je isto tako prema Ministarstvu za obrazovanje i nauku i mlade Kanton Sarajevo. Smatram neophodnim da Ministarstvo za obrazovanje, nauku i mlade Kanton Sarajevo odmah pokrene proceduru i dostavi Zakonodavno pravnoj komisiji Skupštine Kantona Sarajevo prečišćeni tekst Zakona o

osnovnom odgoju i obrazovanju. **Obrazloženje:** Zakon o osnovnom odgoju i obrazovanju prvi put Skupština Kantona Sarajevo je donijela 2004 godine a potom u više navrata mijenjala i dopunjavala. 2006, 2008, 2011 i posljednji put 2013. iako je izmjenama i dopunama Zakona iz 2011 članom 49 ovlaštena Zakonodavno pravna komisija Skupština Kantona Sarajevo da utvrdi prečišćeni tekst Zakona o osnovnom odgoju i obrazovanju to do danas nije učinjeno. U razgovoru sa raznim strukturama na koje se odnose odredbe Zakona jasno je istaknuta potreba nužne pripreme prečišćenog teksta Zakona. Jer mnoštvo izmjena i dopuna stvara zabunu i probleme u primjeni zakona. Vjerujem da Ministarstvo ima potrebne resurse i da može u vrlo kratkom roku pripremiti pomenuti prečišćeni tekst zakona. Također smatram, a dobio sam i uvjerenja, da osoba koja u svakodnevnom radu u školi primjenjuju Zakon da će nakon što se te aktivnosti okonča biti neophodno i pristupiti donošenju novog Zakona o osnovnom odgoju i obrazovanju. Imajući u vidu navedeno, pokrećem ovu inicijativu i ujedno tražim od ministra da s timom iz ministarstva preispita potrebu donošenja Zakona, te ako se to ukaže nužnim, hitno i bez odlaganja krene u postupak predlaganja nacrtu Zakona o osnovnom odgoju i obrazovanju prema Vladi, Skupštini Kantona Sarajevo."

Poslanik/zastupnik Izudin Bajrović je pokrenuo inicijativu:" Prije nego uputim inicijativu želim da zahvalim ministru za obrazovanje nauku i mlade, na brznoj reakciji vezano za moju inicijativu o sačinjavanju izvještaja o stanju u školstvu u Kanton Sarajevo. A sada inicijativa prema Ministarstvu prostornog uređenja, građenja i zaštite okoliša. Pokrećem inicijativu za izmjenu Odluke o zaštiti planinskih izvorišta vode za piće sarajevskog vodovodnog sistema i dijela otvorenog toka rijeke Mošćanice. Skupština Kantona Sarajevo 04.12.1997 donijela Odluku o zaštiti planinskih izvorišta vode za piće sarajevskog vodovodnog sistema i dijela otvorenog toka rijeke Mošćanice, Sl. Novine Kanton Sarajevo 22/97. dakle prije skoro 18 godina. Nakon toga je donesen Zakon o vodama, SL. Novine FBiH 70/06, te na osnovu njega kao podzakonski akt Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva SL. Novine FBiH 88/12. član 15 stav 1 pomenutog Pravilnika traži da se sve odluke o zaštiti izvorišta donesene prije njegovog stupanja na snagu usklade sa njim u roku od pet godina od dana stupanja na snagu Pravilnika. Prema tome Skupština ovo mora uraditi u ovom sazivu a obaveza dobiva na hitnosti jer se građani Faletića, Donjeg Bisoka te Baruthane susreću sa problemima prilikom dobijanja urbanističke saglasnosti."

Poslanik/zastupnik Slaviša Šučuć je postavio poslaničko/zastupničko pitanje:" Moje pitanje se odnosi na jednu pojavu koja uzima sve više maha u nekim dijelovima FBiH a u zadnje vrijeme pogotovo u Kanton Sarajevo. Naime radi se o tome da ogromni kompleksi šumskog poljoprivrednog zemljišta se prodaju stranim državljanima. Uglavnom to su državljani iz arapskih zemalja, međutim ima informacija da se radi čak i ljudima koji su povezani sa kriminalnim grupama iz regiona. To je nešto što po meni sa dva aspekta zaista traži ozbiljnu analizu i po meni možda čak i poduzimanje nekih mjera. Poljoprivredno šumsko zemljište su javno dobro, nacionalno dobro i po dosadašnjim zakonskim rješenjima bila je zabranjena prodaja stranim državljanima. Ovo što se sada dešava, uopšte ne znam da li je došlo do izmjena zakona ili se to radi ilegalno, ko je taj ko to na koji način radi. Mislim da bi trebalo uraditi analizu. Radi se o terenima koji su vrlo često sa vrlo lošom infrastrukturom. I postavlja se opravdano pitanje, zašto i sa kakvim namjerama ljudi uopšte kupuju te terene. S druge strane ono što je problem je naravno ovo bezbjedonosno pitanje. Ovo što se desilo u Zvorniku i mnoge druge pojave koje zaista u zadnje vrijeme opterećuju bh društvo, i našu bezbjednost, predstavljaju razlog za zabrinutost. Da li iko vodi računa o tome ko su ljudi koji dolaze, koji postaju vlasnici našeg nacionalnog javnog dobra."

Poslanik/zastupnik Elvedin Okerić:

Uvaženi predsjedavajući, dopredsjedavajući, premijeru, gospodo ministri, kolege zastupnici, predstavnici medija, te građani pored malih ekrana, selam alejkum i dobar dan. S obzirom da se po prvi put javljam, ja sam Elvedin Okerić. Imam pitanje za ministra MUP-a. Prema vašim informacijama koje vi imate da li je došlo do značajnijeg pogoršanja sigurnosne situacije u Kanton Sarajevo. S obzirom da smo mogli čuti i vidjeti iz medija u zadnje vrijeme narušavanje javnog reda i mira te ubistva i ranjavanja mladih ljudi. Hvala.

Poslanik/zastupnik Amar Dovadžija je zahvalio ministrici zdravstva i direktorici Doma zdravlja Dženani Tanović na nabavci RTG aparata za JU Dom zdravlja Ilijaš i postavio poslaničko/zastupničko pitanje:"Pitanje upućujem ministru obrazovanja. Zašto je izostala potpora Vlade Kantona Sarajevo dobitnicima i dobitnicima Zlatne značke UNSA za upis na drugi odnosno treći ciklus studija? Vlada Kantona Sarajevo je prepoznala važnost potpore studentima odlikovanim Zlatnom značkom i obezbijedila sredstva za sufinansiranje doktorskih studija za akademsku 2012/2013 kao i za 2013/2014 godinu. Imajući u vidu da doktorski studij košta otprilike od 15 do 20.000 KM apelujem da se u budžetu odnosno rebalansu budžeta za 2015 godinu iznađu sredstva za ovaj projekat jer to nisu samo Zlatne značke UNSA nego su to zlatne, svijetle tačke cijelog Kantona Sarajevo kao i naše domovine."

Nakon punih sat vremena u kojima su poslanici postavili pitanja i pokrenuli inicijative premijer Kantona Elmedin Konaković se obratio Ksuptini kako bi dao odgovore na pitanja upućena Vladi Kantona Sarajevo .

Ministrica zdravlja Emira Tanović Mikulec se također obratila Skupštini i dala odgovore na postavljena pitanja.

AD – 2.

VERIFIKACIJA ODLUKA ODBORA ZA DODJELU JAVNIH PRIZNANJA KANTONA SARAJEVO

Odluke Odbora poslanici su dobili u dopunskom materijalu.

Predsjedavajući Bukva je dao uvodne napomene i informisao poslanike o odlukama Odbora za javna priznanja:

"Odbor za javna priznanja 03.04.2015.godine utvrdio je tekst javnog poziva koji je isti dan objavljen na zvaničnoj web stranici Kantona Sarajevo i putem maila prosljeđen svim kantonalnim javnim ustanovama, kao i putem Kantonalne Televizije tri emitovanja prije centralne informativne emisije. Javni poziv je bio otvoren do 18.04.2015.godine. Sve pristigle prijave su blagovremene. Odbor je razmatrao pristigle prijave sa obrazloženjima 24.04.2015.godine i u skladu sa Zakonom o javnim priznanjima Kantona Sarajevo i Poslovnika o radu Odbora odlučio većinom glasova od ukupnog broja članova Odbora kao u Prijedlogu odluke koja se nalazi u materijalu pred vama je."

Odluke su sljedeće: "Prof.dr. Mehmet Emin Birpinar proglašen počasnim građaninom Kantona Sarajevo za izuzetne zasluge i doprinos u pružanju pomoći djeci Kantona Sarajevo te unapređenju međunarodne saradnje i razvoja međunarodnih odnosa na načinima demokratičnosti, solidarnosti i humanosti.

Plaketa Kantona Sarajevo za pojedince:

“Gospodinu Avdi Huseinoviću kao priznanje za izuzetnu kreativnost u širenju istine o ratnim dešavanjima na području Kantona Sarajevo i BIH.”

Zatim Plaketa Kantona Sarajevo kolektivima:

“Fondu Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe u periodu 1992-1995, kao i priznanje za izuzetan doprinos u stambenom zbrinjavanju boračke populacije na području Kantona Sarajevo.

I Plaketu posthumno *gospodinu Safetu Plakalu* kao priznanje za izuzetan doprinos afirmaciji i razvoju Kantona Sarajevo i BIH u oblasti kulture i umjetnosti.

U diskusiji koja je uslijedila učestvovali su poslanica/zastupnica Bibija Kerla, poslanik/zastupnik Slaviša Šućur i poslanik/zastupnik Adnan Solaković.

NAKON ZAKLJUČENE RASPRAVE PREDSJEDVAJUĆI JE POZVAO POSLANIKE DA PRISTUPE IZJAŠNJAVANJU O VERIFIKACIJI ODLUKA ODBORA ZA DODJELU JAVNIH PRIZNANJA KANTONA SARAJEVO.

SKUPŠTINA JE JEDNOGLASNO (28 "ZA") VERIFICIRALA ODLUKE ODBORA ZA DODJELU JAVNIH PRIZNANJA KANTONA SARAJEVO.

AD – 3.

PRIJEDLOG ZAKONA O PLAĆAMA I NAKNADAMA U JAVNIM USTANOVAMA IZ OBLASTI SOCIJALNE ZAŠTITE U KANTONU SARAJEVO

Prijedlog zakona poslanici su dobili uz poziv za sjednicu.

Ministrica za rad, socijalnu politiku, izbjeglice i raseljena lica Karolina Karačić je podnijela uvodne napomene i nakon njenog izlaganja uslijedila je rasprava. U raspravi su učestvovali sljedeći poslanici/zastupnici: Haris Pleho, Sabahudin Delalić, Mirsad Pindžo, Adnan Solaković, Muhamed Kozadra i Segmedina Srna Bajramović.

Nakon zaključene rasprave ministrica Karolina Karačić se obratila Skupštini i dala odgovore na pitanja poslanika.

USLIJEDILO JE IZJAŠNJAVANJE PO PRIJEDLOGU ZAKONA O PLAĆAMA I NAKNADAMA U JAVNIM USTANOVAMA IZ OBLASTI SOCIJALNE ZAŠTITE U KANTONU SARAJEVO.

NAKON IZJAŠNJAVANJA PREDSJEDVAJUĆI JE KONSTATOVAO DA JE SKUPŠTINA VEĆINOM GLASOVA (23 “ZA” I 6 “PROTIV”) DONIJELA ZAKON O PLAĆAMA I NAKNADAMA U JAVNIM USTANOVAMA IZ OBLASTI SOCIJALNE ZAŠTITE U KANTONU SARAJEVO.

AD – 4.

NACRT ZAKONA O IZMJENAMA I DOPUNAMA ZAKONA O SREDNJEM OBRAZOVANJU

Nacrt zakona poslanici su dobili uz poziv za sjednicu.

Ministar za obrazovanje, nauku i mlade Elvir Kazazović je podnio uvodne napomene po ovom Nacrtu zakona.

Kao predstavnik radnog tijela, Komisije za obrazovanje i nauku Skupštini se obratio Eldar Čomor i obrazložio stav Komisije vezano za ovaj Nacrt zakona.

Poslanik/zastupnik Slaviša Šućur je prije diskusije postavio pitanje za predlagača.

Predsjedavajući Bukva je otvorio raspravu po ovom Nacrtu i u njoj su učestvovali sljedeći poslanici/zastupnici: Predrag Kojović, Muhamed Kozadra, Eldar Čomor, Slaviša Šućur, Ismir Jusko, Adnan Solaković i Sabina Čudić. Replike su imali poslanik/zastupnik Predrag Kojović i poslanik/zastupnik Muhamed Kozadra.

Nakon zaključene rasprave Skupštini se još jednom obratio ministar za obrazovanje, nauku i mlade Elvir Kazazović.

S OBZIROM DA SE VIŠE NIKO NIJE JAVIO ZA RIJEČ, PREDSJEDAVAJUĆI BUKVA JE ZAKLJUČIO RASPRAVU I PREDLOŽIO DA SKUPŠTINA PO NACRTU ZAKONA O IZMJENAMA I DOPUNAMA ZAKONA O SREDNJEM OBRAZOVANJU DONESE ZAKLJUČKE I SKUPŠTINA JE JEDNOGLASNO (28 “ZA”) DONIJELA SLJEDEĆE

ZAKLJUČKE:

- 1. Utvrđuje se Nacrt zakona o izmjenama i dopunama Zakona o srednjem obrazovanju;*
- 2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 15 dana.*
- 3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
- 4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćni u pripremi Prijedloga zakona o izmjenama i dopunama Zakona o srednjem obrazovanju.*

Nakon realizacije 4.tačke dnevnog reda predsjedavajući je informisao poslanike da će uslijediti pauza u trajanju od 30 minuta.

NASTAVAK NAKON PAUZE

AD – 5.

NACRT ZAKONA O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU

Nacrt zakona poslanici su dobili uz poziv za sjednicu.

Ministar za obrazovanje, nauku i mlade Elvir Kazazović je zatražio da javna rasprava po ovom Nacrtu bude u trajanju od 30 dana.

BEZ RASPRAVE, SKUPŠTINA JE JEDNOGLASNO (27 “ZA”) PO NACRTU ZAKONA O IZMJENAMA I DOPUNAMA ZAKONA O OSNOVNOM ODGOJU I OBRAZOVANJU DONIJELA SLJEDEĆE

ZAKLJUČKE:

- 1. Utvrđuje se Nacrt zakona o izmjenama i dopunama Zakona o osnovnom odgoju i obrazovanju;*
- 2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 15 dana.*
- 3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
- 4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćni u pripremi Prijedloga zakona o izmjenama i dopunama Zakona o osnovnom odgoju i obrazovanju.*

AD – 6.

PRIJEDLOG PROGRAMA RADA SKUPŠTINE KANTONA SARAJEVO ZA 2015.GODINU

Prijedlog su poslanici dobili u dopunskom materijalu.

S obzirom da je predlagač Programa rada Skupštine Kolegij predsjedavajući Skupštine Sejo Bukva je podnio uvodne napomene.

Premijer Elmedin Konaković se obratio Skupštini i podsjetio na pitanje sa Kolegija vezano za Zakon o porijeklu imovine te predložio da taj dokument bude u oblasti Pravde i uprave u normativnom dijelu, sa rokovima nacrt – juni, prijedlog – juli. S obzirom da Vlada ne može djelovati amandmanski na Program rada Skupštine, kako je naglasila pomoćnica sekretara Skupštine Almira Kulovac Šetkić poslanik/zastupnik Predrag Kojović se ponudio da bude predlagač ovog Amandmana.

SKUPŠTINA JE SA 28 GLASOVA "ZA" PRIHVATILA AMANDMAN PREDRAGA KOJOVIĆA DA SE U PROGRAM RADA SKUPŠTINE ZA 2015.GODINU U OBLASTI PRAVDE I UPRAVE U NORMATIVNOM DIJELU UVRSTI ZAKON O PORIJEKLU IMOVINE SA ROKOVIMA JUNI-NACRT I JULI-PRIJEDLOG.

USLIJEDILO JE IZJAŠNJAVANJE O PROGRAMU RADA SKUPŠTINE KANTONA SARAJEVO ZA 2015.GODINU I SKUPŠTINA JE JEDNOGLASNO (30 "ZA") DONIJELA PROGRAM RADA SKUPŠTINE KANTONA SARAJEVO ZA 2015.GODINU.

AD – 7.

PRIJEDLOG PROGRAMA OBILJEŽAVANJA DANA KANTONA SARAJEVO OD 02. DO 09.05.2015. GODINE

Prijedlog programa poslanici su dobili uz poziv za sjednicu.

BEZ UVODNIH NAPOMENA OD STRANE PREDLAGAČA I BEZ RASPRAVE, SKUPŠTINA JE VEĆINOM GLASOVA (27 "ZA" I 3 "SUZDRŽANA") DONIJELA PROGRAM OBILJEŽAVANJA DANA KANTONA SARAJEVO OD 02. DO 09.05.2015. GODINE.

AD – 8.

PRIJEDLOG ODLUKE O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Prijedlog odluke poslanici su dobili uz poziv za sjednicu.

PREDSJEDAVAJUĆI JE POZVAO POSLANIKE DA PRISTUPE IZJAŠNJAVANJU I SKUPŠTINA JE VEĆINOM GLASOVA (28 "ZA" I 2 "SUZDRŽANA") DONIJELA ODLUKU O IZMJENI ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO.

AD – 9.

PRIJEDLOG ODLUKE O IZMJENI ODLUKE O USKLAĐIVANJU STATUSA PREDUZEĆA "ZOI '84" OLIMPIJSKI CENTAR SARAJEVO D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Prijedlog odluke poslanici su dobili uz poziv za sjednicu.

Ministar privrede Muharem Šabić je podnio uvodne napomene i nakon njegovog izlaganja predsjedavajući je konstatovao da nema prijavljenih za diskusiju pa je pozvao poslanike na izjašnjavanje.

SKUPŠTINA JE JEDNOGLASNO (30 "ZA") DONIJELA ODLUKU O IZMJENI ODLUKE O USKLAĐIVANJU STATUSA PREDUZEĆA "ZOI '84" OLIMPIJSKI CENTAR SARAJEVO D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE.

AD – 10.

PRIJEDLOG ODLUKE O DAVANJU SAGLASNOSTI ZA OSNIVANJE ODJELJENJA SREDNJE ŠKOLE HAŠEMITSKE KRALJEVINE JORDAN POD NAZIVOM: SREDNJA ŠKOLA AL AMEL“ SA SJEDIŠTEM U SARAJEVU- ILIDŽA OSIK BR. 8

Prijedlog odluke poslanici su dobili uz poziv za sjednicu.

Ministar za obrazovanje, nauku i mlade Elvir Kazazović je podnio uvodne napomene po ovom Prijedlogu odluke.

Za diskusiju se prijavio poslanik/zastupnik Adnan Solaković i nakon što je obrazložio svoj stav postavio je i par pitanja za predlagača. Odgovore poslaniku/zastupniku Solakoviću dao je pomoćnik ministra Abid Fejzić.

Predsjedavajući Sejo Bukva je zaključio raspravu i pozvao poslanike na izjašnjavanje po ovom Prijedlogu odluke.

NAKON IZJAŠNJAVANJA, PREDSJEDAVAJUĆI JE KONSTATOVAO DA JE SKUPŠTINA VEĆINOM GLASOVA (24 "ZA", 2 "SUZDRŽANA" I 6 "PROTIV") DONIJELA ODLUKU O DAVANJU SAGLASNOSTI ZA OSNIVANJE ODJELJENJA SREDNJE ŠKOLE HAŠEMITSKE KRALJEVINE JORDAN POD NAZIVOM: SREDNJA ŠKOLA AL AMEL“ SA SJEDIŠTEM U SARAJEVU- ILIDŽA OSIK BR. 8.

AD – 11.

PRIJEDLOG ODLUKE O USVAJANJU PROGRAMA RAZVOJA ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA PODRUČJA KANTONA SARAJEVO ZA PERIOD 2014. – 2018. GODINA

Prijedlog ove Odluke poslanici su dobili uz poziv za sjednicu.

Direktor Uprave civilne zaštite Mustafa Kovač je podnio uvodne napomene i nakon njegovog izlaganja Eldar Čomor kao predstavnik Komisije za prostorno uređenje je iznio stav Komisije vezano za ovaj Program. Nakon obraćanja predstavnika radnog tijela, uslijedila je diskusija kroz koju su poslanici/zastupnici obrazložili njihove stavove i postavili pitanja za predlagača. U diskusiji su učestvovali: poslanik/zastupnik Adnan Solaković, poslanica/zastupnica Bibija Kerla i poslanik/zastupnik Slaviša Šućur.

Direktor Uprave civilne zaštite Mustafa Kovač je dao odgovore na pitanja poslanika.

NAKON OBRAĆANJA PREDLAGAČA PREDSJEDAVAJUĆI JE POZVAO POSLANIKE DA PRISTUPE IZJAŠNJAVANJU O PRIJEDLOGU ODLUKE O USVAJANJU PROGRAMA RAZVOJA ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA PODRUČJA KANTONA SARAJEVO ZA PERIOD 2014. – 2018. GODINA.

SKUPŠTINA JE JEDNOGLASNO (30 "ZA") DONIJELA ODLUKU O USVAJANJU PROGRAMA RAZVOJA ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA PODRUČJA KANTONA SARAJEVO ZA PERIOD 2014. – 2018. GODINA.

AD – 12.

PRIJEDLOG ODLUKE O DAVANJU SAGLASNOSTI NA PROGRAM RADA JU "SLUŽBA ZA ZAPOSŁJAVANJE KANTONA SARAJEVO" - SARAJEVO ZA 2015.GODINU

Prijedlog odluke poslanici su dobili uz poziv za sjednicu.

Ministrica za rad, socijalnu politiku, raseljena lica i izbjeglice Karolina Karačić je podnijela uvodne napomene po ovom Prijedlogu odluke.

Jedini diskutant po ovoj tački dnevnog reda bio je poslanik/zastupnik Zvonko Marić.

SKUPŠTINA JE VEĆINOM GLASOVA (25 "ZA" I 4 "PROTIV") DONIJELA ODLUKU O DAVANJU SAGLASNOSTI NA PROGRAM RADA JU "SLUŽBA ZA ZAPOSŁJAVANJE KANTONA SARAJEVO" - SARAJEVO ZA 2015.GODINU.

AD – 13.

a) PRIJEDLOG ODLUKE O DAVANJU SAGLASNOSTI NA PROGRAM RADA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE ZA 2015.GODINU;

b) PRIJEDLOG ODLUKE O DAVANJU SAGLASNOSTI NA FINANSIJSKI PLAN PRIHODA I RASHODA ZA 2015. GODINU FONDA KANTONA SARAJEVO ZA IZGRADNJU STANOVA

S obzirom da se radi o istom subjektu predsjedavajući je predložio da se obavi jedinstvena rasprava o prijedlozima Programa rada i Finansijskog plana, a izjašnjavanje pojedinačno. Poslanici su jednoglasno 30 „za“ prihvatili ovaj prijedlog.

Ministar prostornog uređenja, gradnje i zaštite okoliša Čedomir Lukić je podnio uvodne napomene po Programu rada i Finansijskom planu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.

Nakon uvodnih napomena, Skupštini se obratio Eldar Čomor kao predsjednik Komisije za prostorno uređenje i u svom izlaganju obrazložio stav ove Komisije.

Predsjedavajući Bukva je zaključio raspravu i pozvao poslanike na pojedinačno izjašnjavanje po Programu rada i Finansijskom planu.

a)

NAKON IZVRŠENOG GLASANJA SKUPŠTINA JE JEDNOGLASNO (29 "ZA") DONIJELA ODLUKU O DAVANJU SAGLASNOSTI NA PROGRAM RADA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE ZA 2015.GODINU.

b)

NAKON IZVRŠENOG GLASANJA SKUPŠTINA JE JEDNOGLASNO (29 "ZA") DONIJELA ODLUKU O DAVANJU SAGLASNOSTI NA FINANSIJSKI PLAN PRIHODA I RASHODA ZA 2015.GODINU FONDA KANTONA SARAJEVO ZA IZGRADNJU STANOVA.

AD – 14.

a) PRIJEDLOG ODLUKE O DAVANJU SAGLASNOSTI NA PROGRAM RADA ZA 2015. GODINU KANTONALNOG STAMBENOG FONDA SARAJEVO;

b) PRIJEDLOG ODLUKE O DAVANJU SAGLASNOSTI NA PLAN RADA SA FINANSIJSKIM PLANOM PRIHODA I RASHODA ZA 2015. GODINU KANTONALNOG STAMBENOG FONDA SARAJEVO

S obzirom da se radi o istom subjektu predsjedavajući je predložio se obavi objedinjena rasprava o prijedlozima Programa rada i Finansijskog plana, a izjašnjavanje pojedinačno i to je Skupština jednoglasno (30 “za”) prihvatila.

Ministar prostornog uređenja, gradnje i zaštite okoliša Čedomir Lukić je podnio uvodne napomene po Programu rada i Planu rada sa finansijskim planom prihoda i rashoda Kantonalnog stambenog fonda.

Za diskusiju su se prijavili poslanik/zastupnik slaviša Šućur i poslanik/zastupnik Goran Akšamija koji je predložio da Skupština donese sljedeće Zaključke:

1. Predlaže se Skupštini Kantona Sarajevo da se izjasni o prijedlogu spajanja Kantonalnog stambenog fonda i Fonda Kantona Sarajevo za izgradnju stova za porodice šehida i poginulih boraca, RVI, demobilisane borce i raseljene osobe u jedan fond:
2. Zadužuje se Vlada Kantona Sarajevo da izvrši neophodne pripreme, pripremi osnivački akt i dostavi ga Skupštini Kantona Sarajevo na odlučivanje u roku od 90 dana.

Nakon kraće diskusije u kojoj su učešće uzeli i premijer Elmedin Konaković i poslanik/zastupnik Mirsad Pindžo uslijedilo je izjašnjavanje po predloženim zaključcima, pa onda izjašnjavanje o Programu rada i Planu rada sa finansijskim planom Kantonalnog stambenog fonda.

Na prijedlog poslanika DF Gorana Akšamije, Skupština je većinom glasova (25 "za", 6 "protiv" i 1 "suzdržan") donijela sljedeće

ZAKLJUČKE:

1. *Predlaže se Skupštini Kantona Sarajevo da se izjasni o prijedlogu spajanja Kantonalnog stambenog fonda i Fonda Kantona Sarajevo za izgradnju stanova za porodice šehida i poginulih boraca, RVI, demobilisane borce i raseljene osobe u jedan fond.*
2. *Zadužuje se Vlada Kantona Sarajevo da izvrši neophodne pripreme, pripremi osnivački akt i dostavi ga Skupštini Kantona Sarajevo na odlučivanje u roku od 90 dana.*

a)

SKUPŠTINA JE VEĆINOM GLASOVA (29 "ZA" I 2 "SUZDRŽANA") DONIJELA ODLUKU O DAVANJU SAGLASNOSTI NA PROGRAM RADA ZA 2015. GODINU KANTONALNOG STAMBENOG FONDA SARAJEVO .

b)

SKUPŠTINA JE VEĆINOM GLASOVA (29 "ZA" I 2 "SUZDRŽANA") DONIJELA ODLUKU O DAVANJU SAGLASNOSTI NA PLAN RADA SA FINANSIJSKIM PLANOM PRIHODA I RASHODA ZA 2015. GODINU KANTONALNOG STAMBENOG FONDA SARAJEVO.

AD – 15.

IZVJEŠTAJ O UTROŠKU SREDSTAVA TEKUĆE REZERVE IZ BUDŽETA KANTONA SARAJEVO ZA 2014.GODINU

Izveštaj su poslanici dobili uz poziv za sjednicu.

Ministar finansija Jasmin Halebić je podnio uvodne napomene po ovom Izvještaju.

Za diskusiju po Izvještaju o utrošku sredstava Tekuće rezerve iz budžeta Kantona Sarajevo za 2014.godinu prijavili su se Segmedina Srna Bajramović i Sabina Ćudić. Na pitanja zastupnice Segmedine Srne Bajramović premijer Konaković je dao odgovor.

USLIJEDILO JE POJEDINAČNO IZJAŠNJAVANJE PO IZVJEŠTAJU O UTROŠKU SREDSTAVA TEKUĆE REZERVE IZ BUDŽETA KANTONA SARAJEVO ZA 2014.GODINU.

NAKON POJEDINAČNOG IZJAŠNJAVANJA "ZA" JE GLASALO 19 ZASTUPNIKA, "PROTIV" 9 I "SUZDRŽANO" 3 PA JE PREDSJEDAVAJUĆI KONSTATOVAO DA JE SKUPŠTINA USVOJILA IZVJEŠTAJ O UTROŠKU SREDSTAVA TEKUĆE REZERVE IZ BUDŽETA KANTONA SARAJEVO ZA 2014.GODINU.

AD – 16.

IZVJEŠTAJ O RADU NEZAVISNOG ODBORA ZA IZBOR I REVIZIJU POLICIJSKOG KOMESARA ZA 2014.GODINU

Izvještaj su poslanici dobili uz poziv za sjednicu.

Sevdalija Heljić predsjedavajući Nezavisnog odbora je podnio uvodne napomene po ovom Izvještaju.

S OBZIROM DA NIJE BILO PRIJAVLJENIH ZA RASPRAVU PREDSJEDAVAJUĆI JE POZVAO POSLANIKE PRISTUPE IZJAŠNJAVANJU O IZVJEŠTAJU O RADU NEZAVISNOG ODBORA ZA IZBOR I REVIZIJU POLICIJSKOG KOMESARA ZA 2014.GODINU.

SKUPŠTINA JE VEĆINOM GLASOVA (19 "ZA", 3 "SUZDRŽANA" I 7 "PROTIV") USVOJILA IZVJEŠTAJ O RADU NEZAVISNOG ODBORA ZA IZBOR I REVIZIJU POLICIJSKOG KOMESARA ZA 2014.GODINU.

Rad na Drugoj Radnoj sjednici je prekinut nakon realizacije

16 tačaka dnevnog reda u 16,00 sati.

Zapisnik izradila:
Jasminka Deliahmetović

SEKRETAR

SKUPŠTINE KANTONA SARAJEVO

PREDSJEDAVAJUĆI

SKUPŠTINE KANTONA SARAJEVO

SKUPŠTINA KANTONA SARAJEVO

ZAPISNIK SA NASTAVKA

**DRUGE RADNE SJEDNICE SKUPŠTINE KANTONA SARAJEVO,
održane u srijedu, 27.maja 2015. godine sa početkom rada u 10,00 sati**

Sarajevo, maj 2015.

**NA NASTAVKU DRUGE RADNE SJEDINICE SKUPŠTINE KANTONA SARAJEVO
PRISUSTVOVALI SU POSLANICI/ZASTUPNICI:**

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Konaković Elmedin
7. Kozadra Muhamed
8. Okerić Elmedin
9. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Omerbegović Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Jusko Ismir
4. Marić Zvonko
5. Rađo Dževad
6. Solaković Adnan

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Šućur Slaviša

NAŠA STRANKA

1. Ćudić Sabina
2. Kojović Predrag

BOSANSKA STRANKA – MIRNES AJANOVIĆ

1. Haris Pleho
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

16. Halilović Semir

SAMOSTALNI ZASTUPNICI/POSLANICI

1. Aljović Hamed
2. Mekić Amel

Nastavak Druge Radne sjednice Skupštine Kantona Sarajevo 27.05.2015.godine u 10,30 sati otvorio je predsjedavajući Skupštine Sejo Bukva.

Prema evidenciji Službe, sjednici prisustvuje 30 poslanika, što je dovoljan broj za punovažan rad i odlučivanje.

Izostanak sa ove sjednice opravdali su poslanici: Amor Mašović, Selma Filipović i Nermin Bjelak.

Predsjedavajući je podsjetio da je na prethodnom zasjedanju koje je održano 29.04.2015.godine, obrađeno 16. tačaka dnevnog reda, te su tako preostale sljedeće tačke:

- 17. Izvještaj o stanju u oblasti socijalne zaštite, zaštite civilnih žrtava rata i zaštite porodice sa djecom u 2014.godini;*
- 18. Izvještaj o zaduženju Kantona Sarajevo kod UniCredit Bank d.d. Mostar, Intesa Sanpaolo Banke d.d. i Union Banke d.d. Sarajevo;*
- 19. Izvještaj o zaduženju Kantona Sarajevo kod BBI banke d.d. Sarajevo.*

Usljedila je realizacija tačke 17.

AD – 17.

IZVJEŠTAJ O STANJU U OBLASTI SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM U 2014.GODINI

Izvještaj su poslanici dobili uz poziv za sjednicu.

Ministrica za rad, socijalnu politiku, raseljena lica i izbjeglice Karolina Karačić podnijela je uvodne napomene.

Nakon izlaganja ministrice pitanje je postavio zastupnik Predrag Kojović, a za diskusiju su se po ovom Izvještaju prijavile zastupnice Neira Avdibegović i Segmedina Srna Bajramović.

PREDSJEDAVALA JE ZAKLJUČIO RASPRAVU I POZVAO POSLANIKE DA PRISTUPE IZJAŠNJAVANJU O IZVJEŠTAJU O STANJU U OBLASTI SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM U 2014.GODINI.

SKUPŠTINA JE VEĆINOM GLASOVA (19 “ZA”, 8 “SUZDRŽANO” I 2 “PROTIV”) USVOJILA IZVJEŠTAJ O STANJU U OBLASTI SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM U 2014.GODINI.

Predsjedavajući je podsjetio da je naredne dvije tačke dnevnog reda Vlada Kantona Sarajevo dostavila Skupštini radi obavještenja o nastalom zaduženju Kantona Sarajevo i da je Kolegij na sjednici odlučio da se navedeni materijal stavi u dnevni red, kako bi se o istom raspravljalo, te s obzirom da je riječ o informativnom materijalu, Skupština ga može samo primiti k znanju.

Nadalje, predsjedavajući je predložio da se po ove dvije tačke obavi jedinstvena rasprava i Skupština je to većinom glasova prihvatila.

AD – 18.

IZVJEŠTAJ O ZADUŽENJU KANTONA SARAJEVO KOD UNICREDIT BANK D.D. MOSTAR, INTESA SANPAOLO BANKE D.D. I UNION BANKE D.D. SARAJEVO

AD – 19.

IZVJEŠTAJ O ZADUŽENJU KANTONA SARAJEVO KOD BBI BANKE D.D. SARAJEVO

Izvještaje su poslanici dobili uz poziv za sjednicu.

Ministar finansija Jasmin Halebić podnio je uvodne napomene po ova dva Izvještaja.

S OBZIROM DA NIJE BILO PRIJAVLJENIH ZA RASPRAVU PREDSEDAVAJUĆI JE KONSTATOVAO DA JE SKUPŠTINA PRIMILA K ZNANJU IZVJEŠTAJ O ZADUŽENJU KANTONA SARAJEVO KOD UNICREDIT BANK D.D. MOSTAR, INTESA SANPAOLO BANKE D.D. I UNION BANKE D.D. Sarajevo.

SKUPŠTINA JE TAKOĐER PRIMILA K ZNANJU IZVJEŠTAJ O ZADUŽENJU KANTONA SARAJEVO KOD BBI BANKE D.D. SARAJEVO.

Predsjedavajući je konstatovao da su iscrpljene sve tačke dnevnog reda te je zaključio rad na nastavku Druge Radne sjednice u 11 sati i 32 minute.

Zapisnik izradila:

Jasminka Deliahmetović

SEKRETAR

SKUPŠTINE KANTONA SARAJEVO

Abid Kolašinac dipl. pravnik

PREDSEDAVAJUĆI

SKUPŠTINE KANTONA SARAJEVO

Sejo Bukva

